



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

De sententia illorum, qui simul omnia facta esse contendunt. Quomodo
intelligenda sit requies Dei. F

urn:nbn:de:hbz:466:1-38829

materialiter tantum. Sed ut dicunt, Moyses loquens rudi & carnali populo, locutionis modum temperavit, de Deo loquens à simili hominis, qui per moras temporum opera sua perficit, cum ipse simul sua opera fecerit. Vnde Augustinus. Ideo, inquit: Moyses diuisim refert Deum illa opera fecisse, quia non potuit simul ab homine dici quod à Deo simul potuit fieri. Item potuit diuidere scriptura loquendi temporibus, quod Deus operandi temporibus non diuisit. Illi qui his auctoritatibus & aliis huiusmodi inhaerentes, dicunt quatuor elementa atque caeli luminaria ita formata simul esse, & habuisse illos sex dies quos scriptura commemorat, sex rerum genera, id est. distinctiones appellat quae simul factae sunt partim formaliter, partim causaliter.

Aug. lib. 1. ca. 10. de genesi ad literam. Et gl. ordin ad illud, & diuisit Deus lucem Gen. 1. Aug. lib. 1. de Gen. ad literam ca. 15 ad prin.

Quomodo intelligendum sit Deum requieuisse ab omni opere suo.

F

Iam de septimae diei requie aliquid nos eloqui oportet. Scriptum est, quia compleuit Deus die septimo opus suum, & requieuit die septimo ab vniuerso opere quod pararat Requieuisse ergo Deus die septimo, non quasi operando lassus, sed ab vniuerso opere requieuit, quia nouam creaturam facere cessauit. Requiescere non cessare dicitur. vnde in Apo. dicit: Non habebant requiem dicentia, Sanctus, sanctus, id est, dicere non cessabant. Requieuisse ergo Deus dicitur, quia cessauit à faciendis generibus creaturae: quia ultra noua non condidit. Vsq; nunc tamē, ut veritas in Euangelio ait, operatur pater cum filio, scilicet, administrationem eorundem generum quae tunc instituta sunt. Creatoris enim virtus causa subsistendi est omni creaturae. Quod ergo dicitur. Pater meus vsque modo operatur, & ego operor, illud vniuersae creaturae continuam administrationem ostendit. Die ergo septimo requieuit, ut nouam creaturam ulterius non faceret, cuius materia vel similitudo non praecesserit: sed vs-

Glo. ordin. ad prin. c. 2. Gen. 2. 2. Apoc. 4. c. Aug. lib. de Gen. in literam 4. c. 12. ad princ. Ibid inferius paululum. Ioan. 5. c. Libr. 6. ca. eisd. in fin.



que nunc operatur, ut quod condidit, continere & gubernare non cesset.

Qualiter accipiendum sit quod dicitur Deus complese opus septimo die, cum tunc requieuit ab omni opere suo.

Sed quæritur, quomodo septimo die dicatur Deus complese opus suū, cum ab omni opere illo die requieuerit, nec aliquod genus nouū rerum fecerit? Alia translatio habet: Consummauit Deus die sexto opera sua: que nihil quæstionis affert, quia manifesta sunt, quæ in eo facta sunt, & omnium consummatio eo die perfecta est: sicut scriptura ostendit cum ait: Vidit Deus cuncta quæ fecerat, & erant valde bona. Omnia quidē naturaliter bona erant, nihilque in sui natura vitii habentia: & sunt bona quæ condidit Deus etiā singula. Simul vero vniuersa valde bona, quia ex omnibus consistit vniuersitatis admirabilis pulchritudo in qua etiam illud quod malum dicitur, bene ordinatum, & loco suo politum, eminentius cōmendat bona: ut magis placeat, & laudabiliora sunt, dum cōparantur malis. Sexto ergo die facta est operum consummatio. Ideo premissa oritur quæstio, quomodo dicatur Deus die septimo opus suum cōplese, quod Hebraica veritas habet: in quo tamen nihil nouum creasse dicitur, nisi forte dicatur die septimo compleuisse opus suum, quia ipsum benedixit & sanctificauit: sicut subiicit scriptura. Benedixit diei septimo, & sanctificauit illum. Opus n. est benedictio & sanctificatio. sicut Salomon aliquid operis fecit, cum templum dedicauit.

Quæ sit benedictio & sanctificatio septima diei.

Illum autem diē sanctificasse & benedixisse dicitur, quia mystica præ ceteris benedictione & sanctificatione eum donauit. Vnde in lege dicitur: Memento sanctificare diem sabbathi. Et inde est, quod

*Genes. 1. c.
Aug. in En-
chy. ca. 10.
Tom. 3.
Ibid. c. p. 11.*

*Hieron. lib.
quæst. in ge-
nes. ad illud
Gen. 1. & cō-
summauit
Deus. tom. 3.
Genes. 2. a
2. Reg. 8. c.*

Exod. 20. b.